

## Izveštaj o radu Uprave policije MUP-a Kantona Sarajevo za period januar - septembar 2018. godine

### KRIMINALITET

*Kriminalitet na području Kantona Sarajevo u periodu januar – septembar 2018. godine u odnosu na isti period prethodne godine, posmatrano kroz statističke pokazatelje, karakteriše povećanje broja, registrovanih krivičnih djela za 2,5%, prijavljenih lica za 16,8% maloljetnih izvršilaca za 77,5%, povratnika u činjenju krivičnih djela za 0,2% i lica lišenih slobode za 5,5%. U odnosu na uporedni period, smanjena je ukupna rasvijetljenost krivičnih djela za 2,9%.*

#### STATISTIČKI PRIKAZ KRIMINALITETA

U prvih devet mjeseci 2018. godine, registrovana su 3.152 krivična djela što je za 78 djela ili 2,5% više nego u istom periodu prethodne godine.

U 1.481 slučaja (47% od ukupnog broja krivičnih djela), krivična djela su izvršena od strane poznatih izvršilaca i izvršilaca zatečenih u činjenju krivičnog djela, a 1.671-no krivično djelo (ili 3%), prijavljeno je po nepoznatom izvršiocu, od kojih su 562 naknadno rasvijetljena (ili 33,6%).

Tokom izvještajnog perioda ukupno su rasvijetljena 2.043 krivična djela ili 64,8% što je za 2,9% manja rasvijetljenost u odnosu na uporedni period.

Za izvršenje navedenih djela prijavljena su 2.043 lica, od kojih su 1.063 povratnika u činjenju krivičnih djela (ili 52% prijavljenih), 71 maloljetnik, a 821-no lice je lišeno slobode (ili 40,2% prijavljenih). U odnosu na uporedni period veći je broj prijavljenih lica za 294 (ili 16,8%), povratnika za dva (ili 0,2%), broj maloljetnih izvršilaca za 31 (ili 77,5%) i lica lišenih slobode za 43 (ili 5,5%).

#### OSNOVNI STATISTIČKI POKAZATELJI KRIMINALITETA

##### UPOREDNI POKAZATELJI STANJA KRIMINALITETA NA PODRUČJU KANTONA SARAJEVO U PERIODU JANUAR – SEPTEMBAR 2018/17. GODINE PREMA GLAVAMA KRIVIČNOG ZAKONA FBiH-a I KZBiH-a

KRIVIČNA DJELA	JANUAR- SEPTEM. 2018.	JANUAR- SEPTEM. 2017.	uporedba br.KD		“rasvijetljenost” JANUAR-SEPT. 2018.	
			+ / -	%	br.KD	%
Protiv ustavnog poretka Federacije	0	1	-1	---	0	---
Protiv života i tijela	121	117	4	3,4%	115	95%
Protiv slobode i prava čovjeka i građanina	164	147	17	11,6%	157	95,7%
Protiv spolne slobode i morala	13	6	7	116,7%	13	100%
Protiv braka, porodice i mladeži	178	179	-1	-0,6%	178	100%
Protiv zdravlja ljudi	447	332	115	34,6%	447	100%
Protiv privrede, poslovanja i sigurnosti pla.	4	3	1	33,3%	4	100%
Iz oblasti poreza	1	1	0	---	1	100%
Protiv imovine	1.881	1.941	-60	-3,1%	818	43,5%
Protiv okoliša	5	4	1	25%	5	100%
Protiv opće sigurnosti ljudi i imovine	62	54	8	14,8%	37	59,7%
Protiv sigurnosti javnog prometa	81	55	26	47,3%	77	95,1%
Protiv pravosuđa	39	17	22	129,4%	40	102,6% <sup>1</sup>
Protiv javnog reda i pravnog prometa	114	135	-21	-15,6%	109	95,6%
Protiv podmić. i kd protiv sl. i druge odgo..	13	16	-3	-18,8%	13	100%
Protiv sistema elektronske obrade podataka	0	1	-1	---	0	---
Protiv privrede i jedin. tržišta te...(KZBiH)	1	5	-4	-80%	1	100%
ZONDINOM-a (Sl.novine KS br.38/07)	28	60	-32	-53,3%	28	100%
<b>UKUPNO</b>	<b>3.152</b>	<b>3.074</b>	<b>78</b>	<b>2,5%</b>	<b>2.043</b>	<b>64,8%</b>

U izvještajnom periodu, zabilježeno je povećanje broja registrovanih krivičnih djela i to za 78 ili 2,5%.

**Povećanje** je zabilježeno u oblastima protiv:

- zdravlja ljudi (za 115 djela ili 34,6%),
- sigurnosti javnog prometa (za 26 ili 47,3%),
- pravosuđa (za 22 ili 129,4%),
- slobode i prava čovjeka i građanina (za 17 ili 11,6%),
- opće sigurnosti ljudi i imovine (za osam ili 14,8%),
- spolne slobode i morala (za sedam ili 116,7%),
- života i tijela (za četiri ili 3,4%), itd.

**Smanjenje** je evidentirano u oblastima protiv:

- imovine (za 60 djela ili 3,1%),
- djela regilisanih ZONDINOIM-om (za 32 ili 53,3%),
- javnog reda i pravnog prometa (za 21 ili 15,6%),
- "privrede i jedinstva tržišta..." (za četiri ili 80%),
- podmićivanja i krivična djela protiv služ. i druge odgovorne dužnosti (za tri ili 18,8%), itd.

## PREGLED KRIVIČNIH DJELA PO OBLASTIMA

### 1.2.1. KRIVIČNA DJELA PROTIV ŽIVOTA I TIJELA

U periodu januar - septembar 2018. godine prijavljeno je 121 krivično djelo protiv života i tijela (četiri više u odnosu na uporedni period).

Zbog postojanja osnova sumnje da su počinili djela iz ove oblasti, nadležnom tužilaštvu podneseni su službeni izvještaji protiv 116 lica, od kojih je 46 povratnika (ili 39,7%), a 27 je lišeno slobode. Evidentirana su slijedeća krivična djela: - ubistvo iz člana 166. KZFBiH-a – dva djela (tri manje), ubistvo u pokušaju – sedam (četiri više), teška tjelesna ozljeda – 38 (21 manje), lahka tjelesna ozljeda – 68 (21 više), učestvovanje u tuči – tri djela (jedno više), čedomorstvo, teška tjelesna ozljeda u saučiniteljstvu i teška tjelesna ozljeda u pomaganju - po jedno djelo (nije bilo ovih djela).

### KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 164 djela (17 više) i to: - ugrožavanje sigurnosti – 157, narušavanje nepovredivosti doma - tri, protupravno lišenje slobode - dva, ugrožavanje sigurnosti u podstrekavanju i otmica - po jedno djelo, a zbog izvršenja navedenih djela prijavljeno je 148 lica od kojih je 77 povratnika u činjenju krivičnih djela (ili 52%), a 23 su lišena slobode.

*Sva djela ugrožavanja sigurnosti počinjena su upućivanjem verbalnih prijetnji, pisanih - prijetećih poruka i sl., bez težih posljedica po oštećena lica.*

### KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 178 krivičnih djela (jedno manje) i to: nasilje u porodici - 170 djela oduzimanje djeteta ili maloljetnika - četiri, izbjegavanje izdržavnja - dva, zapuštanje ili zlostavljanje djeteta ili maloljetnika i napuštanje djeteta - po jedno djelo. Službeni izvještaji podneseni su protiv 181 lica od kojih su 92 povratnika ili 50,8%, a 112 je lišeno slobode.

## KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 453 lica (103 više), od kojih je 266 povratnika (ili 58,7%), a zbog postojanja osnova sumnje da su počinili 447 krivičnih djela (115 ili 34,6% više) i to:

- neovlašćena proizvodnja i stavljanje u promet opojnih droga – 24 djela (devet manje),
- posjedovanje i omogućavanje uživanja opojnih droga – 423 djela (125 više)

*Policijski službenici Uprave policije su Kantonalnom tužilaštvu Sarajevo podnijeli službene izvještaje protiv ukupno 27 lica zbog postojanja osnova sumnje da su u proteklom periodu neovlašćeno proizvodili, zatim kupovali opojnu drogu ("Marihuanu", "Amfetamin", itd.) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 426 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Amfetamin", "Ecstasy", "Heroin", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).*

Zbog zloupotrebe opojnih droga 274 lica su lišena slobode (63 više).

TABELARNI PREGLED ODUZETE OPOJNE DROGE U PERIODU JANUAR - SEPTEMBAR 2018/17. GODINE

VRSTA OPOJNE DROGE	JANUAR-SEPTEMBAR 2018. GODINE	JANUAR-SEPTEMBAR 2017. GODINE
Marihuana (u gramima)	4.734	8.523,33
Marihuana (paketići)	123	209
Marihuana (JOINT–cigarete, kom.)	26	26
Heroin (paketići)	99	59
Cannabis sativa (stabljike, komada)	2	4
Cannabis sativa (sjeme, komada)	100	1
Kokain (paketići)	2	10
Kokain (u gramima)	---	15
Amfetamin (u gramima)	531	1.642
Amfetamin (paketići)	124	96
Suboxon (tablete)	---	13
Metadon	---	1 tableta i bočica solucije
Ecstasy - tablete	74,5	793,5
Ecstasy (u gramima)	---	2,2
Hašiš (paketići)	1	---
LSD markice (komada)	---	37
Pribor sa ostacima droge (komada)	43	23

S ciljem pronalazjenja narkotičkih sredstava ispitano je i saslušano 147 lica (20 manje), izvršen pretres 164 lica (30 manje), 54 stambena objekta (šest manje) i većeg broja automobila po usmenim naredbama Opštinskog suda u Sarajevu.

*Povećanje registrovanih krivičnih djela u ovoj oblasti, jeste rezultat pojačanih i planski provedenih aktivnosti Uprave policije koje su se ogledale u sprječavanju svih oblika zloupotreba narkotika tako da je u ovom periodu sprovedeno i niz efikasnih akcija na presijecanju "lanaca" trgovine opojnim drogama, što je rezultiralo zaplijenom narijed navedenih količina opojnih droga te procesuiranjem ukupno 453 lica što je za 103 ili 29,4% više u odnosu na uporedni period.*

## KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ registrovana su četiri krivična djela (jedno više) i to: prijevarena u privrednom poslovanju - dva, oštećenje povjeritelja i obmana pri dobijanju kredita ili drugih pogodnosti - po jedno djelo za čije je izvršenje prijavljeno pet lica.

Takođe, tokom prvih devet mjeseci 2018. godine, zadokumentovana su i krivična djela koja su u vezi sa „privrednim kriminalom“, a svrstana su u druge glave KZFBiH-a i KZ BiH-a i to: organizirani kriminal - 22 djela, pronevjera u službi, krivotvorenje isprave i zloupotreba položaja ili ovlašćenja - po tri, prijevarena u privrednom poslovanju i ovjeravanje neistinitog sadržaja - po dva, sprječavanje dokazivanja, pomoć učinitelju poslije učinjenog krivičnog djela, primanje dara ili drugih oblika koristi, obmana pri dobijanju kredita i drugih pogodnosti i krivotvorenje novca - po jedno djelo i čijim je činjenjem nastupila materijalna šteta u **ukupnom iznosu od 31.537.053,30 KM** (u istom periodu prethodne godine ista je iznosila 16.024.305,43 KM i 816 Eura).

### DJELA PROTIV IMOVINE

U oblasti krivičnih djela protiv imovine registrovano je 1.881-no djelo što je za 60 ili 3,1% manje u odnosu na uporedni period.

Najbrojnija djela iz ove oblasti su: teške krađe – 1.003 (84 manje), krađe – 280 (11 manje), razbojništva – 315 (21 više), oštećenje tuđe stvari – 113 (pet više), prijevarena – 42 (sedam više), teška krađa u pokušaju – 45 (20 više), utaja – 30 (četiri više), prikrivanje – devet (deset manje), itd. Zbog izvršenja navedenih djela prijavljeno je 551 lice od kojih su 373 povratnika u činjenju krivičnih djela (ili 67,7%), a 223 su lišena slobode.

Za ukupno 818 ovih djela ili 43,5% identifikovani su osumnjičeni izvršiocima, što je u odnosu na isti period prethodne godine, smanjenje za 7,6%.

Objekti napada pri vršenju krivičnih djela protiv imovine najčešće su bili stambeni objekti – 407 puta (28 više), motorna vozila (otuđenja motornih vozila i “provale” u ista) - 346 puta (136 manje), prodavnice i drugi poslovni prostori - 144 (22 manje), na ulici - 61 (21 više), itd., pri čemu su otuđivana motorna vozila, novac, nakit, tehnička roba, prehrambeni proizvodi, cigarete, građevinski materijal, alati, itd.

U prvih devet mjeseci ove godine na području Kantona Sarajevo izvršeno je 230 krivičnih djela teških krađa motornih vozila, od čega su 52 ili 22,6% vraćena (od strane policije MUP Kantona Sarajevo vraćeno je 21-no vozilo, MUP RS-a – devet, drugih MUP-ova – devet i 13 vozila vlasnici su pronašli).

U odnosu na uporedni period broj otuđenih vozila znatno je znatno smanjen i to za 110 ili 32,4%.

Zbog postojanja osnovna sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 13 lica (25 manje) od kojih je deset povratnika (ili 76,9%).

Na području Kantona Sarajevo u periodu januar – septembar ove godine registrovano je 315 djela razbojništva što je za 21-no djelo ili 7,1% više u odnosu na isti period prethodne godine.

Razbojništva su počinjena u prodavnicama i drugim poslovnim prostorima - 135 puta (dva više), u sportskim kladionicama – 45 (četiri manje), na ulici – 82 (17 više), apotekama - 27 (četiri više), benzinskim pumpama - 14 (sedam više), itd.

Navedena djela izvršena su prijetnjom upotrebe vatrenog oružja – 128 puta (13 više), prijetnjom i upotrebom noža ili drugog oštrog predmeta (komad stakla, šrafciğer i sl.) – 117 (17 više) i upotrebom fizičke snage – 70 puta (devet manje).

Ukupno je rasvijetljeno 127 ovih djela ili 40,3% što je za 6% manja rasvijetljenost ovih djela u odnosu na isti period 2017. godine, a zbog postojanja osnova sumnje da su počinili ova djela prijavljeno je 110 lica (26 više) od kojih je 78 povratnika ili 70,9%.

Broj teških krađa na naročito opasan ili naročito drzak način u periodu januar-septembar 2018. godine u odnosu na uporedni period povećan je za četiri ili 5,4%.

Naime, evidentirano je 78 ovih djela u kojima su izvršiocima, upotrebom fizičke snage – 52 puta, te verbalnom prijetnjom u 26 slučajeva, otimali mobitele, nakit i novac.

Za izvršenje ovih oblika teških krađa, prijavljeno je 21-no lice, od kojih je 12 povratnika (ili 57,1%), a sedam je lišeno slobode. Ukupno je rasvijetljeno 26 ovih djela ili 33,3% što je za 24,7% manje.

#### KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirana su 62 djela (osam više) i to: izazivanje opće opasnosti – 44 djela, teška krivična djela protiv opće sigurnosti ljudi i imovine i nesavjesno čuvanje pasa i drugih opasnih životinja - po osam, izazivanje opće opasnosti u pokušaju i izazivanje opće opasnosti u podstrekavanju - po jedno djelo.

*Krivična djela izazivanja opće opasnosti (44 djela) izvršena su na otvorenom prostoru - 40 puta, u stambenim objektima - tri puta i jednom u poslovnom objektu, pri čemu je u četiri slučaja aktivirana nepoznata eksplozivna naprava, 16 puta pucano je iz vatrenog oružja, 21 put je otvorenim plamenom izazvan požar, itd. Posljedica izvršenja navedenih djela su tjelesne ozljede pet lica i nastala materijalna šteta.*

Zbog postojanja osnova sumnje da su počinili djela iz ove oblasti nadležnom tužilaštvu podneseni su službeni izvještaji protiv 38 lica, od čega je 25 povratnika ili 65,8%, a 27 je lišeno slobode.

#### KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 114 krivičnih djela (21 manje) i to: nasilničko ponašanje - 57 djela, nedozvoljeno držanje oružja ili eksplozivnih materija – 24, krivotvorenje isprave – 10, napad na službenu osobu u vršenju poslova sigurnosti – 15, sprečavanje službene osobe u vršenju službene radnje - četiri, ovjeravanje neistinitog sadržaja – tri i samovlašće - jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 132 lica, 74 su povratnici, a 48 je lišeno slobode.

#### KRIVIČNA DJELA POČINJENA OD STRANE MALOLJETNIH LICA

U periodu januar - septembar 2018. godine prijavljen je 71 maloljetnik zbog postojanja osnova sumnje da su izvršili 73 krivična djela. U poređenju sa istim periodom 2017. godine, povećan je broj krivičnih djela za čije izvršenje su prijavljena maloljetna lica za 23 ili 46%, kao i broj prijavljenih maloljetnih izvršilaca za 31 ili 77,5%.

Pregled broja maloljetnih izvršilaca krivičnih djela za period januar-septembar 2018. godine, prema starosnoj strukturi

<i>starosna dob maloljetnika</i>	<i>do 14 god.</i>	<i>od 14 do 16 god.</i>	<i>od 16 do 18 god.</i>	<i>ukupno</i>
<i>januar-septembar 2018. godine</i>	7	30	34	71
<i>januar-septembar 2017. godine</i>	2	23	15	40
<i>uporedba +/-,%</i>	5	7	19	31 ili 77,5%

Među maloljetnim izvršiocima krivičnih djela, najveći broj je u dobi do 16 godina (30), dok je registrovano 17 povratnika u izvršenju krivičnih djela (ili 23,9%).

U strukturi krivičnih djela koja su počinili maloljetnici najbrojnija su krivična djela protiv imovine – 31 (ili 42,5%), pri čemu prevladavaju teške krađe (15 ili 20,5% ukupnog broja djela), razbojništva (sedam ili 9,6%), teške krađe na naročito drzak i opasan način (dva ili 2,7%), itd.

U odnosu na isti period prošle godine, povećan je broj teških krađa (za 12 ili 400%), a smanjen je broj krivičnih djela razbojništva (za sedam ili 50%).

#### OSTALA PROTIVPRAVNA I ASOCIJALNA PONAŠANJA

##### AKTIVIRANJE MINSKO - EKSPLOZIVNIH SREDSTAVA

U periodu januar-septembar 2018. godine na području Kantona Sarajevo registrovano je osam slučajeva aktiviranja minsko-eksplozivnih sredstava (jedan ili 11,1% manje u odnosu na isti period 2017. godine).

Posljedice aktiviranja minsko-eksplozivnih sredstava su lakše tjelesne povrede jednog lica i materijalna šteta. Za sada je u jednom slučaju identifikovan učinilac i protiv kojeg su preduzete zakonske mjere.

U proteklih devet mjeseci 2018. godine registrovana je ukupno 41 anonimna dojava o postavljenoj eksplozivnoj napravi (pet u uporednom periodu), a odnosile su se uglavnom na srednje i osnovne škole. Nakon KDZ pregleda utvrđeno je da su dojave bile lažne.

*U cilju preventivnog djelovanja na sprječavanju pojave lažnih dojava o postavljenim eksplozivnim napravama sačinjen je Plan aktivnosti edukacije učenika i nastavnog osoblja u srednjim školama na području Kantona Sarajevo, na osnovu kojeg je realizovana edukacija učenika, nastavnog osoblja i roditelja u srednjim školama na području Kantona Sarajevo. Cilj edukacije je preventivno djelovanje i dodatna edukacija učenika, te podizanja nivoa svijesti o štetnosti ovakve vrste protivpravnog ponašanja, kao i svim posljedicama koje ova krivična djela mogu imati. Policijski službenici su tokom realizacije planirane teme apelovali i upozorili na suzdržavanju od svih vrsta protivpravnog ponašanja, pa tako i lažnih dojava o postavljenim eksplozivnim sredstvima.*

#### POŽARI

U periodu januar-septembar 2018. godine, na području Kantona Sarajevo registrovana su 94 požara (pet manje) u kojima je jedno lice poginulo, a dva lakše povrijeđena.

Prema statističkim pokazateljima, 53 požara su izazvana namjerno, 23 zbog tehničkih nedostataka, 10 nehatom, dok uzroci osam požara spadaju u kategoriju ostalih. Zbog izazivanja požara nadležnom tužilaštvu je podnesen 21 službeni izvještaj iz člana 323. KZ FBiH (izazivanje opće opasnosti) i deset iz člana 301. KZ FBiH-a (paljevina).

#### SAMOUBISTVA

U prvih devet mjeseci 2018. godine na području Kantona Sarajevo registrovano je 28 samoubistava (šest manje), koja su izvršena na sljedeće načine: vješanjem, skakanjem sa visine i upotrebom vatrenog oružja – po devet puta i utapanjem u jednom slučaju.

Prema spolu, izvršioци su: 22 muškaraca i šest žena od kojih su tri lica u dobi od 25 do 40 godina, 12 od 40 do 60 godina i 13 lica u dobi preko 60 godina.

## JAVNI RED I MIR

Policijski službenici su u periodu januar-septembar 2018. godine, zbog raznih oblika narušavanja javnog reda i mira uručili i podnijeli ukupno 3.048 prekršajnih naloga i zahtjeva za pokretanje prekršajnog postupka (naloga – 2.357, zahtjeva – 691), što u odnosu na isti period 2017. godine predstavlja smanjenje za 198 ili 6,1%. Prekršajne sankcije preduzete su protiv 3.303 lica (194 ili 5,5% manje), od kojih je 381 je povratnik (ili 11,5%), 20 je maloljetnih lica (ili 0,6%) osam stranih državljana, itd.

Od ukupnog broja prekršajnih sankcija, 2.675 ili 87,8% odnosi se na prekršaje utvrđene Zakonom o prekršajima protiv javnog reda i mira, a 373 ili 12,2% na prekršaje utvrđene Odlukom općinskih vijeća o javnom redu i miru.

Tabelarni pregled strukture prekršaja iz oblasti javnog reda i mira  
za period januar-septembar 2018/2017.godina

STRUKTURA PREKRŠAJA	januar-septembar 2018.	januar-septembar 2017.	+ - %	
<b>UKUPNO NALOGA I ZAHTJEVA</b>	<b>3.048</b>	<b>3.246</b>	<b>-198</b>	<b>-6,1%</b>
UKUPNO LICA	3.303	3.497	-194	-5,5%
Prekršaji iz Zakona o prekršajima protiv JRiM:	2.675	2.811	-136	-4,8%
<i>-Tuče</i>	313	320	-7	-2,2%
<i>-Naročito drsko ponašanje</i>	325	371	-46	-12,4%
<i>-Odbijanje naređenja i omalov. policijskih službenika</i>	261	242	19	7,9%
<i>-Svađa, vika, nepristojno ponašanje</i>	57	76	-19	-25,0%
<i>-Uživanje opojne droge na javnom mjestu</i>	21	6	15	250%
<i>-Neovlaštena upotreba oružja</i>	5	0	5	---
<i>-Paljenje petardi</i>	9	2	7	350%
<i>-Prosjačenje</i>	1.320	1.366	-46	-3,4%
<i>-Ostali prekršaji iz Zakona o prekrš. protiv JRiM</i>	364	428	-64	-15%
Prekršaji prema Odluci OV o JRiM	373	435	-62	-14,3%

S obzirom na starosnu strukturu lica protiv kojih su u proteklih devet mjeseci ove godine preduzete prekršajne sankcije (ukupno 3.303), najveći broj je onih starosne dobi preko 36 godina (1.981), zatim starosti između 26 i 35 godina (762) i između 19 i 25 godina (540), dok je maloljetnih učinilaca prekršaja bilo 20 i oni su javni red i mir narušavali uglavnom učestvovanjem u tučama. Prilikom narušavanja javnog reda i mira u periodu januar-septembar 2018. godine, u slučajevima kada se radilo o prekršajima, 86 lica je lakše povrijeđeno (što je za 68 manje).

Pregled broja uručenih/podnesenih naloga i zahtjeva za pokretanje prekršajnog postupka  
za period januar-septembar 2018. godine, po mjesecima

januar-septembar 2017.	prekršajni nalozi	zahtjevi za ppp	ukupno
JANUAR	166	61	227
FEBRUAR	152	95	247
MART	252	52	304
APRIL	254	75	329
MAJ	277	82	359
JUNI	286	70	356
JULI	355	90	445
AUGUST	338	87	425
SEPTEMBAR	277	79	356
<b>ukupno</b>	<b>2.357</b>	<b>691</b>	<b>3.048</b>

Prema strukturi prekršaja iz oblasti javnog reda i mira, najbrojnija su prosjačenja - 1.320 (ili 43,3% od ukupnog broja), zatim naročito drsko ponašanje – 325 (ili 10,7%), tuče – 313 (ili 10,3%), te odbijanje naređenja i omalovažavanje policijskih službenika – 261 (ili 8,6%). Znatno manje prekršaja učinjeno je svađom, vikom i nepristojnim ponašanjem - 57; uživanjem opojne droge na javnom mjestu – 21, te paljenjem petardi – 9 prekršaja. Zbog svih ostalih prekršaja preduzeto je 364 prekršajnih sankcija.

U odnosu na isti period 2017. godine, povećan je broj prekršaja koji su učinjeni uživanjem opojne droge na javnom mjestu, dok je u svim ostalim slučajevima smanjen broj prekršaja.

Prema mjestu izvršenja, najveći broj prekršaja učinjen je na ulici i na drugim otvorenim prostorima – 2.752, a znatno manje u ugostiteljskim objektima - 112, u školama i u trgovinskim i zanatskim radnjama – po 22, u vozilima javnog saobraćaja - šest i na ostalim mjestima - 133 prekršaja.

U odnosu na isti period 2018. godine, u proteklih devet mjeseci ove godine povećan je broj prekršajnih sankcija zbog prekršaja kojima se narušava javni red i mir u trgovinskim i zanatskim radnjama i u vozilima javnog saobraćaja, dok je na svim ostalim mjestima došlo do smanjenja tog broja.

Na području Kantona Sarajevo u proteklih devet mjeseci 2018. godine održano je 2.405 javnih skupova (623 ili 25,9% više u odnosu na isti period 2017. godine), koji su uglavnom protekli bezbjedno, u 544 slučajeva izvršeno je KDZ osiguranje.

## SAOBRAĆAJ

Tokom perioda januar-septembar 2018. godine, u odnosu na isti period prošle godine, na području Kantona Sarajevo registrovano je smanjenje ukupnog broja saobraćajnih nezgoda i nezgoda sa materijalnom štetom, dok je povećan broj nezgoda sa nastradalim licima i broj nastradalih lica.

Registrovano je 7.046 saobraćajnih nezgoda (640 ili 8,3 % manje), od čega 6.423 sa materijalnom štetom (691 ili 9,7 % manje) i 623 sa nastradalim licima (51 ili 8,9% više).

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO U PERIODU  
JANUAR-SEPTEMBAR 2018./2017. GODINA

	JANUAR - SEPTEMBAR 2018.	JANUAR - SEPTEMBAR 2017.	uporedba	
			+,-	%
<b>UKUPAN BROJ SAOBRAĆAJNIH NEZGODA</b>	<b>7.046</b>	7.686	<b>-640</b>	<b>-8,3%</b>
SAOBRAĆAJNE NEZGODE SA NASTRADALIM LICIMA	<b>623</b>	572	<b>51</b>	<b>8,9%</b>
SAOBRAĆAJNE NEZGODE SA MATERIJALNOM ŠTETOM	<b>6.423</b>	7.114	<b>-691</b>	<b>-9,7%</b>
<b>POGINULO LICA</b>	<b>12</b>	11	<b>1</b>	<b>9,1%</b>
- vozači	<b>4</b>	4	<b>0</b>	<b>0,0%</b>
- putnici	<b>3</b>	2	<b>1</b>	<b>50,0%</b>
- pješaci	<b>5</b>	5	<b>0</b>	<b>0,0%</b>
<b>POVRIJEĐENO LICA</b>	<b>787</b>	763	<b>24</b>	<b>3,1%</b>
- vozači	<b>390</b>	349	<b>41</b>	<b>11,7%</b>
- putnici	<b>254</b>	257	<b>-3</b>	<b>-1,2%</b>
- pješaci	<b>143</b>	157	<b>-14</b>	<b>-8,9%</b>

U naselju je registrovano 6.298 saobraćajnih nezgoda (osam sa poginulim, 551 sa povrijeđenim licima i 5.739 sa materijalnom štetom), van naselja 748 nezgoda (dvije sa poginulim, 62 sa povrijeđenim licima i 684 sa materijalnom štetom).

Registrovano je 1.117 saobraćajnih nezgoda na raskrsnicama u naselju, 212 na raskrsnicama van naselja, 42 na pješačkom prelazu, tri na mostu, dvije na prelazu preko željezničke pruge, na nadvožnjaku i u tunelu - po jedna i 5.668 saobraćajnih nezgoda čije se karakteristike puta ubrajaju u kategoriju ostalih.



## POSljedICE SAOBRAĆAJNIH NEZGODA

U periodu januar - septembar 2018. godine, u saobraćajnim nezgodama na području Kantona Sarajevo nastradalo je ukupno 799 lica (25 ili 3,2% više).

TABELARNI PREGLED NASTRADALIH LICA (poginula, teško i lakše povrijeđena) U SAOBRAĆAJNIM NEZGODAMA U PERIODU JANUAR - SEPTEMBAR 2018/17. GODINE

učesnici u saobraćaju	januar- septembar 2018. godine	januar - septembar 2017. godine	uporedba	
			+/-	%
vozači	394	353	41	11,6%
putnici	257	259	-2	-0,8%
pješaci	148	162	-14	-8,6%
UKUPNO	799	774	25	3,2%

Smrtno je stradalo 12 lica (jedno više), dok je 787 lica povrijeđeno (24 više), 116 teže (14 više) i 671 lakše (10 više).

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA ZA PERIOD JANUAR - SEPTEMBAR 2018/17. GODINE

PERIOD vrsta posljedice	JANUAR - SEPTEMBAR 2018. GODINE			JANUAR - SEPTEMBAR 2017. GODINE			UPOREDBA JANUAR - SEPTEMBAR 2018/17. GOD.		
	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
<b>VOZAČI</b>	4	42	348	4	37	312	isto	5	36
<b>PUTNICI</b>	3	27	227	2	23	234	1	4	-7
<b>PJEŠACI</b>	5	47	96	5	42	115	isto	5	-19
<b>UKUPNO</b>	12	116	671	11	102	661	1	14	10

Među poginulim licima evidentirano je pet pješaka, četiri vozača i tri putnika.

Od ukupno 787 povrijeđenih lica, 390 je vozača (41 više), putnika – 254 (tri manje) i pješaka - 143 (14 manje). Kada je u pitanju stepen povreda, 42 vozača su teže, a 348 lakše povrijeđeno, 27 putnika su teže, a 227 lakše povrijeđeno, dok je 47 pješaka teže i 96 lakše povrijeđeno.

**Starosna struktura nastradalih osoba** u saobraćajnim nezgodama je slijedeća:

- do 17 godina – 89 lica,
- od 18 do 30 godina - 244,
- od 31 do 40 godina – 159,
- od 41 do 50 godina – 115,
- od 51 do 65 godine – 105 lica, itd.

**Starosna struktura nastradalih vozača** u saobraćajnim nezgodama je slijedeća:

- od 18 do 23 godine – 47 lica,
- od 23 do 30 godina – 92,
- od 30 do 40 godine – 115,
- od 40 do 50 godina – 69,
- od 50 do 60 godina - 44 lica, itd.

**Prema kategoriji i karakteristikama puta**, najveći broj saobraćajnih nezgoda registrovan je:

- na ulicama u naselju – 5.427 nezgoda u kojima je pet lica poginulo, 510 povrijeđeno,
- na magistralnim putevima – 640 (tri poginula, 136 povrijeđeno),
- na lokalnim putevima – 382 (30 povrijeđeno),
- na regionalnim putevima – 371 (32 lica povrijeđena),
- i na putevima koji se ubrajaju u kategoriju ostalih – 226 saobraćajnih nezgoda (četiri lica poginula, 79 povrijeđeno).

#### UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 6.013 (devet lica poginulo, 490 lica povrijeđeno),
- neprilagođena brzina - 974 (tri lica poginula, 266 lica povrijeđeno),
- uticaj alkohola – 58 (31 lice povrijeđeno),
- oštećenje puta – jedna nezgoda (bez nastradalih lica).

#### AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 170.035 vozila (18.528 ili 9,8% manje).

Zbog kršenja propisa iz oblasti sigurnosti saobraćaja uručeno je 138.846 prekršajnih naloga vozačima (1.269 ili 0,9% više), podneseno 229 zahtjeva za pokretanje prekršajnog postupka (151 ili 39,7% manje) i registrovano 81 krivično djelo zbog ugrožavanja sigurnosti javnog prometa (26 47,3% više).

Zbog tehničke neispravnosti, iz saobraćaja je isključeno 361 vozilo (95 ili 35,7% više), 1.965 vozača je zatečeno da upravljaju vozilom pod dejstvom alkohola (437 ili 28,6% više), 3.237 bez korištenja sigurnosnog pojasa (614 ili 15,9% manje), 943 bez položenog vozačkog ispita (268 ili 39,7% više), 4.374 vozača su zatečena u korištenju mobitela (1.568 ili 55,9% više), a 1.662 vozila su otkrivena da učestvuju u saobraćaju bez važeće registracije (580 ili 53,6% više).

#### MIRUJUĆI SAOBRAĆAJ I KONTROLA PJEŠAKA

Tokom perioda januar – septembar 2018. godine, pripadnici Uprave policije su uručili 59.046 prekršajnih naloga vozačima koji nisu poštivali saobraćajne propise prilikom parkiranja (1.661 manje u odnosu na isti period prošle godine), upozorili 3.970 vozača (218 manje), a specijalnim vozilom „pauk“ su premjestili 1.919 vozila (94 više).

Zbog nedozvoljenog parkiranja, najveći broj prekršajnih naloga uručili su policijski službenici: II Policijske uprave – 15.071, zatim V PU - 14.029, I PU - 10.927, IV PU - 5.262, III PU - 4.338, VI PU - 1.379, VII PU - 1.592 prekršajna naloga. Policijski službenici Jedinice za saobraćaj uručili su 6.448 prekršajnih naloga.

Takođe, pješacima koji su kršili saobraćajne propise odnosno nepropisno se kretali uručeno je 2.050 prekršajnih naloga (548 manje), a upozoreno je 649 pješaka (640 manje).

## **ZAKONITOST U RADU**

Tokom prvih devet mjeseci 2018. godine, registrovano je 19 napada (jedan više) - na policijske službenike MUP-a Kantona Sarajevo (grupni i pojedinačni napadi).

Zbog postojanja osnova sumnje da su počinili krivično djelo iz člana 359. KZ FBiH-a (Napad na službenu osobu u vršenju poslova sigurnosti) lišeno je slobode i uz službeni izvještaj nadležnom tužilaštvu predato 19 lica.

Policijski službenici Uprave policije su u periodu januar - septembar 2018. godine, prilikom obavljanja svojih zadataka opravdano upotrijebili silu i to:

- dva policijska službenika upotrijebili su hemijska sredstva,
- tri policijska službenika upotrijebili su vatreno oružje,
- sedam policijskih službenika upotrijebili su fizičku snagu i hemijska sredstva,
- 14 policijskih službenika upotrijebili su fizičku snagu i palicu,
- 23 policijska službenika upotrijebili su fizičku snagu i sredstva za vezivanje - službene lisice,
- 35 policijskih službenika upotrijebio je fizičku snagu

Tokom perioda januar - septembar 2018. godine, registrovana je ukupno 241-na predstavka na rad policijskih službenika, a razmatrano je 236 predstavki.

Nakon razmatranih predstavki Odbor za žalbe građana Skupštine Kantona Sarajevo donio je zaključak da se za 86 predstavki izvrše provjere i prikupi dokumentacija, za 68 da se provede unutrašnja istraga, za deset predstavki da se pripoje ranijem spisu, za 21-nu predstavku da su nenadležni, dvije predstavke Odbor je primio k znanju, a za 49 predstavki nije bilo osnova za provođenje unutrašnje istrage.

Od ukupno 236 razmatranih predstavki, 187 je podnesene od strane građana, a 49 predstavki predstavljaju saznanja iz službe.

Okončane su 102 unutrašnje istrage, od kojih su 26 osnovane, 28 neosnovane, a u 29 slučajeva nije bilo dovoljno dokaza u četiri slučajeva istraga je okončana ocjenom obustva, u tri slučajeva ocjenom oslobađajuća, u 11 slučajeva ocjenom odustanak i u jednom slučaju zatražena je dopuna istrage.

## **AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE**

U prvih devet mjeseci 2018. godine evidentirano je 28 djela koja su regulisana Zakonom o nabavljanju, držanju i nošenju oružja i municije (32 manje), počinjenih od strane 29 izvršilaca.

Od strane Policijskih uprava fizičkim licima izdata su 652 odobrenja za nabavku vatrenog oružja (78 manje) i 726 oružnih listova (174 manje).

Takođe, u sklopu aktivnosti na oduzimanju nelegalno posjedovanog oružja i drugih predmeta oduzeta su: 62 pištolja, jedno teško oružje, 19 pušaka, 52 „noža, mača, sablji i sl.“, tri boksera, 1.626 kom. municije različitog kalibra, 127 petardi, itd.

## RAD POLICIJE U ZAJEDNICI

U okviru Rada policije u zajednici tokom perioda januar-septembar 2018. godine obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

Između niza aktivnosti koje su provođene u cilju što uspješnije realizacije Rada policije u zajednici i unapređenja saradnje sa društvenom zajednicom u proteklom periodu izdvajamo sljedeće:

- Policijski službenici Uprave policije svih sedam PU su izvršili obilazak osnovnih škola na svojim staničnim područjima i tom prilikom sa direktorima i pedagogima škola dogovorili edukativne radionice na teme: "Djeca u saobraćaju", "Međuvršnjačko nasilje", „Narkomanija“ i druge teme.
- Policajci u zajednici su prisustvovali edukaciji na temu "Djeca i maloljetnici u kontaktu sa zakonom" na kojoj su predstavljene alternativne mjere i sankcije za maloljetnike u krivičnom zakonodavstvu FBiH.
- Sačinjena je Informacija o poduzetim aktivnostima na implementaciji "Akcionog plana za prevenciju maloljetničkog prijestupništva i rad sa maloljetnicima u kontaktu sa pravosudnim sistemom 2017-2019 godina".
- Kontinuirano je provođena kampanja "Neko te voli" s ciljem smanjenja broja vozača koji koriste mobilne telefone prilikom vožnje vozila.
- U svim općinama održana su predavanja u osnovnim školama na teme: "Međuvršnjačko nasilje", "Djeca u saobraćaju", "Narkomanija", itd.
- U vezi realizacije projekta „Jačanja tužilačkih kapaciteta u sistemu krivičnog pravosuđa BiH“ pod nazivom „Lopov uvijek bude otkriven“, a koji pored aktivnosti koje se odnose na jačanje tužilačkog sistema, sprovodi i aktivnosti kojima se nastoje implementirati programi kojima se doprinosi prevenciji kriminala, održana su predavanja u osnovnim škola na području Kantona Sarajevo,.
- Sprovodile su se aktivnosti na sprečavanju prosjačenja, skitanja, propuštenog staranja za maloljetne osobe.
- Organizovan je pojačan obilazak parking prostora i mjesta na kojima su registrovana krivična djela i narušavanje javnog reda i mira, kao i sankcionisanje prekršilaca saobraćajnih propisa.
- Provođene su aktivnosti na realizaciji projekta ICITAP-a "Uklanjanje grafita"
- Intenzivno se radilo na rasvjetljavanju lažnih dojava o postavljenim bombama u nekoliko srednjih škola, kao i na preduzimanju radnji koje se odnose na edukaciju učenika i nastavnog osoblja kako bi se povećala svijest o štetnosti ove vrste devijantnog ponašanja.
- U organizaciji LOT tima EUFOR-a, za učenike Osnovne škole „Džemaludin Čaušević“ održana je radionica sa ciljem upoznavanja opasnosti od minsko-eksplozivnih sredstava u okruženju, te načinu reagovanja prilikom uočavanja eksplozivnih naprava.
- Organizovana je manifestacija "AUTO SHOW - Sigurnost na cestama u BiH" u sklopu „Akcije za bezbjednost na putevima“ koju sprovodi svjetska automobilistička organizacija (FIA) na osnovu rezolucije UN od 10.05. 2010.godine, a koja utvrđuje dokument UN–a za bezbjednost u saobraćaju 2011-2020. Na navedenoj manifestaciji je između ostalog, prezentiran rad policijskih službenika MUP-a KS, te podijeljene brošure i drugi infomaterijal pod nazivima: „Djeca u saobraćaju“, „Mreža žena policajaca“, „Borba protiv rodno zasnovanog nasilja“, „Zaštitite se od krađe“, „Građani treba da znaju“, itd.
- U hotelu „Bosnia“ je održana radionica na temu „ Kako do većeg poštovanja ljudskih prava žena i LGBT osoba u KS- Zajedno do rješenja“.

- Policajci u zajednici su učestvovali u manifestaciji "7 Sarajevo beer festival", koja je održana na parking prostoru olimpijske dvorane Zetra. Tom prilikom predstavljene su aktivnosti u vezi bezbjednosti saobraćaja, a izvršeno je i promotivno alkotestiranje posjetilaca koji su bili zainteresovani za način funkcionisanja alkotest aparata.
- Redovno su održavani kontakti s predstavnicima Crvenog križa FBiH, Turističkom zajednicom KS,
- U sklopu realizacije kampanje „BIHAMK“-a pod nazivom „Sigurno vezani u vozilu“ na platou ispred SCC-a je podijeljeno oko 500 letaka na navedenu temu,

**Sarajevo, 19.10.2018.godine**

**Odjeljenje za odnose sa javnošću**